

Iluarsiissut

27.01.2026-mi akissuteqaammut immikkoortoq 158-imut taarsiutaasoq

(Naalackersuisoqarfiup aqqa, Naalackersuisup taaguutaa kiisalu imarisaanut tunngatillugu allannguut iluarsineqarput.)

Inuiaqatigiittut inuttullu ingerlariaqqinnissaq siunertaralugu, nuna tamakkerlugu tamanut tarnikkut katsorsartinnissamut oqaloqateqarnissamullu neqeroorutit annertusarneqartariaqarneri pillugu inatsisartunut apeqquteqaat aallaavigalugu oqallisissiatut siunnersuut.

(Inatsisartunut ilaasortaq Bentiarq Ottosen, Atassut)

Akissuteqaat

(Meeqqanut, Inuusuttunut, Inatsisit Atuutsinneqarnerannut Naligiissitaanermullu

Naalackersuisoq)

Siullermeerneqarnera

Inatsisartunut ilaasortaq Bentiarq Ottosen, Atassut, sammisamut pingaarutilimmut oqaluuserisassanngortitsisimagavit qujanaq.

Eqqarsartaatsikkut peqqissutsimut atugarissaarnermullu tunngatillugu ukiut, inuunermi inissisimaneq imaluunniit sumi najugaqarneq apeqqutaatinnagit innuttaasunut tamanut ikiuisinnaasoqassasoq Naalackersuisut isumaqatigilluinnarpaat.

Tamannarpiarlu pissutigalugu Inulerivik oktobari 2025-mi ammarneqarpoq, tassani innuttaasut innersuussinertaqanngitsumik saffiginnissinnaapput nunamilu sumiluunniit najugaqaralarunik katsorsartissinnaallutik. Tamatuma tarnikkut tapersersuinissaq ajornanninnerulersissimavaa atorfissaqartitsisunullu tigussaanerulersimalluni.

Inunnut assersuutigalugu atornerluinermik, meeraanermi atornerlunneqarnerup malitsigisaanik kingunerlutsitsinermik kiisalu ataatsimut isigalugu atugarliornermik qaangerniagalinnut arlalinnik neqerooruteqareerpugut. Kisianni inuiaqatigiittut anniaatit tarnikkullu unammilligassat pillugit ammasumik oqaluuserinnissinnaanissarput peqatigisaanik pingaaruteqarpoq. Eqqarsartaatsikkut ingerlalluarneq ataasiakkaatut unammilligassatut isigineqarsinnaanngilaq. Tamanna ataatsimoorussamik akisussaaffiuvoq.

Atugarliornerit, atornerluinerit, innarliinerit imminullu toqunnerit pinngitsoortissinnaanissaat sulissutigiuarneqarpoq, aammalu sulissutigiugassaalluni. Naalackersuisut aaqjissuussaasumik pinaveersaartitsinermik siunnerfeqarlutik suli sulissuteqarput.

Taamaammat tarnikkut katsorsaanerit oqaloqateqartarnerillu nuna tamakkerlugu neqeroorutaanerit annertusinissaannut pisariaqartitsineq eqqartuleraangatsigu neqeroorutaasut annertusineqarnissaat kisimik pineqarneq ajorput; katsorsaannissamut neqeroorutit iluatsissappata inuiaqatigiittut patajaatsumik aaqjissuussaanerup qulakkeerneqarnissaa aamma pineqartarpoq.

Siusissukkut tapersersuineq, imigassaq aalakoornartortalik pillugu politiki nutartigaq akisussaassusilillu, ineqarnermut atugassarititaasut toqqissisimanartut aalajaatsullu,

ulluunerani paaqqinnittarfiit pitsaasut meeqqallu atuarfiat ingerlalluartoq tamarmik tassaapput inuup pitsaasumik ineriartorsinnaanissaanut qitiusumik inissisimasut sinaakkutinillu pilersitsisut. Sinaakkutit taakkua atugarissaarnissamik, imminut naleqartinnermik, neriunnermik inuunerullu isumaqarneranik misiginissamik periarfissiisuupput, tarnikkullu peqqissusermut pingaaruteqarluiunnartuullutik.

Taamaammat inuiaqatigiittut aaqqissuussaasumik pinaveersaartitsineq annertunerusumik siunnerfiginerullugu sulissuteqarnissarput pingaaruteqarluiunnarpoq. Tamanna suliniutaavoq amerlanerusunut pitsaanagerusumik toqqaasinnaalersitsisoq, peqatigisaanillu tarnikkut katsorsaanerit oqaloqatiginnittarnerillu tamakkiisumik iluaqutaasinnaangorlugit, inuillu ataasiakkaat inuiaqatigiillu ineriartornerannut tuniseqataalluni.

Oqallisissiamut pingaarutilimmut Naalakkersuisunit qujavugut, oqallilluartoqarnissaannullu kissaassilluta.